

欽定四庫全書

子部

宣明方論卷二



南京中医药大学图书馆版权所有

欽定四庫全書

子部五

宣明方論

醫家類

提要

臣等謹案宣明方論十五卷金劉完素撰是書皆對病處方之法首諸證門自煎厥薄厥餐洩腹脹以及諸痺心疝凡六十一證皆采用內經諸篇每證各有主治之方一宗仲景次諸風次熱次傷寒次積聚次水濕次痰飲

次勞次洩痢次婦人次補養次諸痛次痔瘻
次眼目次小兒次襍病共十七門每門各有
總論亦發明運氣之理兼及諸家方論於軒
岐奧旨實有所闡發而多用涼劑偏主其說
者不無流弊在善用者消息之耳攷原病式
自序云作醫方精要宣明論一部三卷十萬
餘言今刊入河間六書者乃有十五卷其二
卷之菊葉法薄荷白檀湯四卷之妙功藏用

九十二卷之華澄茹九補中九楮實子九皆
注新增字而七卷之信香十方青金膏不注
新增字者據其方下小序稱灌頂法王子所
傳併有偈呪金時安有灌頂法王顯為元明
以後之方則竄入而不注者不知其幾矣卷
增於舊殆以是歟乾隆四十六年十月恭校

上

總纂官臣紀昀臣陸錫熊臣孫士毅

總校官臣陸費墀

帝曰
諸
古
言天
義
於
道
不
成
所

言古者必合於今善言
明也余問夫子言而可

發蒙解惑可得聞乎

岐伯稽首對曰何道之問也天覆地載萬物悉備莫貴於人人以天地之氣生四時之法成君王宰職黎庶盡欲全形貴賤雖殊寶命一矣好生惡死者是世人之常也若人有患如救水火莫待留淫日深著於骨髓所以難矣

素問諸證畧備具題

煎厥之狀陽氣煩勞精絕辟積於夏致目盲不可視耳
閉不可聽薄厥之狀陽氣大怒形氣絕而血菀於上腠

脹飧泄寒熱不散升降上下頽疝心掣寒多下墜以為
諸疝心熱內掣陰陽之結四肢浮腫便血不已蠱癰之
病腎氣不足冤熱筋急白液出跳掣也膀胱不利致三
焦約而遺溺腎精不足強上冥視唾之若涕惡風振寒
為之勞風雖近衣絮榮虛衛實名曰肉苛心移寒於肺
則肺消肺移寒於腎為湧水心移熱於肺為膈消膽移
熱於腦為肺淵膀胱移熱於小腸為口糜大腸移熱於
胃為食飧熱盛則陽絡溢陽絡溢為衄衄醉以入房氣

竭傷肝大脫其血月事衰少名曰血枯蘊熱怫鬱生於
諸風寒濕風之三氣雜合而為諸痺宗筋縱發為白淫
熱聚胃口而不散行故胃脘為癰面色白黑所謂赤筋
口苦積熱名之膽痺腎虛內奪則為瘖痺血氣竭少令
人解休腹滿不食寒中腸泄斯病驚澹腰股痛發肘腫
不便寒生濡泄聊敘此證不能備舉

煎厥證 主熱

陽氣煩勞積於夏令入熱厥目盲不可視耳閉不可聽

人參散 主之治煎厥氣逆頭目昏憤聽不聞目不明
七氣善怒

人參 遠志去心 赤茯苓去皮 防風去苗 芍藥
以上各二兩

麥門冬去心 陳皮去白 白朮以上各一兩

右為末每服三錢水一盞半煎至八分去滓溫服不
計時候日再服

薄厥證 主肝

陽氣大怒則形氣絕而血脈菀於上令人薄厥於胸中

赤茯苓湯 主之治薄厥恭怒則傷肝氣逆胸中不和甚則嘔血衄血也

赤茯苓

去皮

人參

桔梗

陳皮

各一兩

芍藥

麥門

冬

去心 檳榔

各半兩

右為末每服三錢水一盞生薑五片同煎至八分去滓溫服不計時候

飧洩證

主冷

清氣在下則生飧洩清濁交錯食不化而清穀出矣

白朮湯 主之治飧洩風冷入中洩痢不止脈虛而細
日夜數行口乾腹痛不已

白朮 厚朴 生薑製 當歸 去苗 龍骨 各一兩 艾葉 半兩熱炒

右為末每服三錢水一盞生薑三片同煎至八分去
滓空心溫服

臍脹證 主心腹

濁氣在上則生臍脹此陰陽返則氣結不散脹滿常如
飽

吳茱萸湯 主之治臍脹陰盛生寒腹滿臍脹且常常如飽不欲飲食進之無味

吳茱萸

湯淘炒

厚朴

生薑製

官桂

去皮

乾薑

炮各二兩

白朮

陳皮

去白

蜀椒

出子各半兩

右為末每服三錢水一大盞生薑三片同煎至八分

空心去滓溫服

風消證

主心脾

二陽之病心脾不得隱曲女人月水病血不流脾病食

不化風勝真氣消

黃耆羌活散 主之治心脾受病精血虛少氣力衰乏

日溢消矣

黃耆

一兩半
盧頭

羌活

石斛

防風

枳殼

火炒人
去穢

參

生地黄

牡蠣

燒

黑附子

炮

茯苓

去皮

五味子

牛膝

酒浸各
一兩

續斷

半兩

地骨皮

三分

右為末每服三錢水一大盞煎至八分去滓溫服不

計時候日進

心掣證 主心

一陽發病少氣嗽洩三焦不利上咳下洩心煩不寧其動若掣

調中散 主之治心掣不定胸中刺氣痞壅上若咳嗽下若洩利

白朮 乾薑炮 當歸 人參 五味子 赤茯苓

去甘草炙各一兩 官桂一兩半

右為末每服三錢水一盞煎至八分溫服去滓稍熱

日二服臨卧

風厥證 主脾胃

一陽一陰病發驚駭背痛噫欠名風厥蓋胃土肝木為木尅土風勝濕不製腎水故令上逆

遠志散 主之治風厥多驚背痛善噫善欠志意不樂身背皆痛

遠志

去心

人參

細辛

去苗

白茯苓

去皮

黃耆

去頭

官桂

各一兩半

菖蒲

熟乾地黄

焙

白朮

防風

各半兩

右末每服一錢至二錢溫酒調下空心食前日三服

結陽證 主四肢

四肢腫四肢熱勝則腫四肢者謂諸陽之本陽結者故不行於陰脈陽脈不行故留結也

犀角湯 主之治結陽四肢腫滿熱菟不散或毒攻注大便悶澀

犀角屑 玄參 連翹 柴胡去苗各半兩 升麻 木通

各三錢 沉香剉 射干去毛 甘草炙一兩 芒硝 麥門冬去心